



An Sukuun Pisekin Angangen Osukosuken Aean Fentanyl me Opioid

Napanapen echo taropwe/email ngeni chon sukuun me ar famini

Aea ei taropwe/email ren an epwe wor esinesin ren feiengawen ekkewe tipitipin fentanyl mei nofit ngeni safei me feiengaw ren aean opioid. Esinesin ngeni chon sukuun me ar famini ren met chon emwen non sukuun re fori ren ar repwe eppet me tumwunu semirit, fengen me pwan ian repwe no ian ren aninnis me sopwosopwun porousan.

Nainen met itenap mei foruta: Porousen Feiengawen Fentanyl me Tipitipin Safei

Achengicheng Chon Sukun & Famini,

Ach sukuun mei enenia tumwunun nour chon sukuun nuukanapen meinisin ach angang si fori. Sia mmak ren ach esinesin ren anoniinenin aean fentanyl me opioid, ekkewe pisekin drugs. Ekkei drug mei afeiengawa aramas non ach community. Kich mei anean pwe ei porous epwe aninnis ne tumwunu nouch chon sukuun.

Met afeiengawan? Iteiten wiik, ina epwe 5 chon Oregon re maano ren an kon nuunuuno ar aea drug, ika overdose. Non ei fansoun, mei wor ekkewe tipitipin opioid safei mei nofit ngeni fentanyl mei cheufetan non Oregon. Ekkei tipitipin safei mei fokkun afeiengaw. Efou chok safei mei tongeni fori an emon epwe overdose.

Met ei opioid? Opioid, ekkewe safei mei ammwaueno an aramas ngasangas me fori met repwe mochen mour ren. Ekkei opioid mei pachenong morphine, oxycodone, dilaudid, me heroin. Fentanyl pwan ew sokkun opioid mei pochokkun: ekis chok, nonnon fitu foun ppi, mei tongneni nieno emon aramas.

Pota aramas re aea opioid? Opioid mei tongeni kawor ren safeian metek. Ekkoch aat me nengin, re sossot drug pwe re mochen sinei ika epwe feter. Ekkoch aramas, re aea drug ren ar resapw mefi osukosuken netipar. En mei tongeni mwochuno won opioid.

Met ei naloxone? Naloxone (pwan itan Narcan) ew sokkun safei si fiienong non pwot ika me non opos ren an epwe fetaneoch sefan ngasangas ren emon ika pwe a ammwaueno ika kouno an ngasangas mwirimwirin an overdose won fentanyl, opioid safei ika heroin. Naloxone mei popwuta ne fori angangan non chok 2-3 minich, mei tongeni tori 30-90 minich angangan. Fan ekkoch, oruwen aean naloxone epwe namwot ika pwe esisinnen overdose a niwin sefan. Ika en mei sinei emon mei aea opioid, kose mochen ekieki omw kopwe kkut Narcan pwe kopwe onomwu ngonuk me epwe wor non imwomw. En mei tongeni sinei ifa ussun ne kkut Narcan me ifa ussun aean ikei: [Aninnisin Narcan ren Overdose won Opioid](#).




Met sipwe tongeni fori? Kose mochen kapas fan iten ekkei noniinen ngeni noumw chon sukuun me aramas ke tongei. Mei auchea porousen non ei taropwe, wor ourour ren mwokutukut ika e wor overdose, me ekkoch link ren aninnis. Kose mochen anounou ngeni aramas ese nifinifin ke ekieki pwe epwe auchea ngeni.

Kich mei fokkun aucheani nonnomwun me tumwunun meinisin chon sukuun non ach community. Kich mei sinei pwe ekkei kapas mei tongeni aweires. Ion aramas ka tongeni kopwe kokori ika pwe mei wor omw kapas eis iwe: _____ (Makkei Iten Ion Repwe Kapas Ngeni non Sukuun).

Ach ennetin kapwong,

(Makkei iten ewe Prensepon/Meinapen Sukuun/Meinapen Angangen Health non Sukuun)

Ikkei ekkoch porous epwe kawor ngeni chon sukuun me ar famini:

	<p>Safei meren chiechi, me safei ke kamo won line ika me won social media, ese tumwun.</p>	<ul style="list-style-type: none"> • Ika e wor safei meren emon me nukun emon tokter ika soutipachem non safei, kosapw unumi. Ina epwe ew tipitipin safei. • Ese wor tumwuneochun fofforun ekkewe tipitipin safei. Efou me efou, mei sokkono ukuukun safei non. Efou me efou tipitipin safei, mei tongeni wor feiengawan.
	<p>Safei meren emon tokter, epwe chok wenengeni emon ewe e mmak itan won, wenengeni met mei mmak won ren aean.</p>	<ul style="list-style-type: none"> • Kosapw wuun unumen emon safei mei mmak itan won ika meren emon chiechiomw, ika me pwan ian. • Meinisin inis ese taitap. Safei mei eoch ngeni emon, ina epwe afeiengaw ngeni pwan emon. • Meinisin safei mei wor afeiengawan ika pwe mei mwan aean, awewe ika e konnien watte ukuukun, ika emon e wunnukkis.
	<p>Ekkewe tipitipin safei, nikinikin chok ekkewe wessen.</p>	<ul style="list-style-type: none"> • Ekkewe tipitipin safei mei nofit ngeni fentanyl, mei sokkopaat enuwan. Napengeni, ekkena safei ina epwe araw, aro enuwan fetin, ika aro pwech. • Ekkoch tipitipin safei ina epwe pwan wor esissin won, ussun chok ekkewe wessen. Ekkoch, mei faneno won esisinnen “M30,” “K9,” “215,” ika “V48.” Ekkewe tipitipin safei, ina epwe wor pwan ew sokkun esissin ika esapw wor won.



Ekkewe sukuun me famini re mochen aninnis.

- Ese wor ngawen tingorun aninnis.
- Chon sukuun re esinesin pwe ir mei aea drugs, ika tingor ren aninnis, esapw wor ar niwinin tipis.
- Chon sukuun ir mei tongeni kapas ngeni _____ (Makkei iten chon angang: ewe chon ourour non sukuun, emon chon angangen osukosuken non famini, kangof non sukuun, preNSEPON, chon angangen SBHC), ika pwan emon mwan ika fefin ir mei epinukunuk ren.
- Ika emon chon sukuun e noniinen, ika re sinei emon mei noniinen, ir mei tongeni atoura ar memmef ika re no ngeni [safeoregon.com](https://www.safeoregon.com) ika kokkori ika text ngeni 844-472-3367.

lei met mwokutukut kopwe fori ika pwe ke kuna emon an overdose non imwomw ika non community:

ESINNA: Esinna nikinikin ika e wor overdose ren opioid:

- Foukukkun chonun non foun maas
- Ammwau, fetanengaw, ika ese wor ngasangas
- Oruor ika tor an ngasangas
- Mecheresingaw ne fongufong ika kese tongeni fonguni
- Napeno an monuunu
- Patapat ika nukuchochon unuchan
- Pwechetiw ika kior unuchan, fan ukkun ika tunneawan

MWOKUTUKUT: Ika e wor ekiek pwe overdose won opioid e fis, mwittir ne kokkori 9-1-1.

Pwan fori ekkei mwokutukut ika pwe ke tufichin:

- Cheki an ena aramas pichipichin ngasangas me ika mei ngasangas.
- Fori angangen CPR ika pwe ese wor pichipichin ngasangas ika ese ngasangas.
- Mwittir ne aea ngeni naloxone (Narcan).

En mei tongeni sinei ifa ussun ne kkut naloxone (Narcan) me ifa ussun aean ika ke no ngeni ewe [Aninnisin Narcan ren Overdose won Opioid](#) peich seni ewe Oregon Health Authority.

Pwan ikkei ekkoch website epwe aninnis:

Aninnis renchon sukuun me ar famini

- 8 Esinesin ren Ifa Ussun Ne Kapas Ngeni Noumw Aat me Nengin ren Arukor me Pwan Ekkoch Drugsfforuta meren Tumwun Akkomw.
- An Aat me Nengin Semwenin Aean Pisekin Safei pisekin aninnis ren safeian me chikar seni meren ewe Oregon Health Authority
- Aninnis Ngeni Famini Ar Repwe Anisi Pisekin aninnis, kumien chiechi, kaeo, me pwan met aninnis ngeni famini ar nomw non osukosuk ren an emon mwochuno won pisekin safei
- Noun Oregon Aat me Nengin Prokram Ren Kawesin Angei Manaw

Porous ren opioid, fentanyl, me aninnisin naloxone/Narcan

- [Tipitipin me Afeiengaw Ngeni Manaw](#): Fentanyl/tipitipin safei kampein me kokkotun met epwe fis meren Nenien Sukuun non Beaverton
- [Nofit me Afeiengaw Ngeni Manaw](#): King County, Washington kampein, e foruta ren an epwe aiti aat me nengin anoniinenin ika re kamo safei me pauter nge ika mei nofit ngeni fentanyl
- [Keon ngeni Charlie](#): An ew famini charity, ese wor mwoni tonong ren, angangen ar repwe esinesin fetan ren ei ra eita ngeni “fentapills.”
- [Eprein 2022 Esinesin ren Afeiengaw non Community](#) seni ewe High Intensity Drug Trafficking Area non Oregon (HIDTA)
- [Aninnisin naloxone ren overdose won opioid](#) pisekin aninnis seni Oregon Health Authority

Aninnis won tengwa

- Nainen Unusen Eppetin Angangen Niimanaw mei 24 awa (omwokut meren ewe Lines for Life): 1-800-273-8255
- **Saan ren Manaw**: text “273TALK” ngeni 839863 (aninnis non text mei kawor Sarinfan – Enimu kunok 2-6 mwirin nonowas, kunokun Pacific).
- **24/7 Nampan Text Fansoun Osukosuk**: Text “OREGON” ngeni 741741.
- [Youthline](#) ew nain ren aninisin osukosuk ngeni serafo ngeni serafo. Kokori 1-877-968-8491 ika textini “teen2teen” ngeni 839863.

Ka tongeni angei ei taropwe non fosun ekkoch fonu, epwe mesemóng, non nikinikin noun mei chuun, ika met sokkun ke mochen. Kokkori Ashley Thirstrup won nampa 503-720-2557 ika ashley.thirstrup@dhsaha.state.or.us. Kich mei etiwa meinisin chon atoura koko ika ka tongeni kokori 711.